



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি (শোক বার্তা)

জাহাঙ্গীরনগর বিশ্ববিদ্যালয়

ভূগোল ও পরিবেশ বিভাগের অবসরপ্রাপ্ত অধ্যাপক মির্জা মফিজ উদ্দিন আর নেই ॥
উপাচার্যের শোক

জাহাঙ্গীরনগর বিশ্ববিদ্যালয়, ১৪ মে ২০২০।

জাহাঙ্গীরনগর বিশ্ববিদ্যালয়ের ভূগোল ও পরিবেশ বিভাগের অবসরপ্রাপ্ত অধ্যাপক মির্জা মফিজ উদ্দিন (৭৬) আর নেই। ১৪ মে রাত আনুমানিক সোয়া ১টার দিকে শ্যামলীর একটি ক্লিনিকে তিনি মৃত্যুবরণ করেন। ইন্সলিগ্লাহি---রাজিউন। জানা যায়, তিনি বেশ কিছুদিন ধরে নানা ধরনের অসুখে ভুগছিলেন। কয়েক দিন আগে তিনি মৃদু স্ট্রোকে আক্রান্ত হয়েছিলেন। মৃত্যুকালে তিনি স্ত্রী, এক পুত্র ও এক কন্যা, আত্মীয়-স্বজন, অগণিত শিক্ষার্থী ও গুণগ্রাহী রেখে গেছেন। সর্বশেষ তিনি ঢাকার ফার্মগেটের কাছে রাজাবাজারে নিজস্ব ফ্ল্যাটে বসবাস করছিলেন। তিনি ১৯৭৫ সালে জাহাঙ্গীরনগর বিশ্ববিদ্যালয়ের ভূগোল বিভাগে প্রভাষক পদে যোগ দিয়েছিলেন। মুক্তিবা ভূগোল, জিওমোরফোলজি, ভৌগোলিক জরিপ ইত্যাদি কাজে কীর্তিমান এই শিক্ষকের দক্ষতা ছিল অপরিসীম। তিনি দীর্ঘ ৩৫ বছর বর্ণাঢ্য শিক্ষকতার পেশা শেষে ২০১০ সালে ভূগোল ও পরিবেশ বিভাগ থেকে অবসরগ্রহণ করেন। অধ্যাপক মির্জা মফিজ উদ্দিন বিভাগীয় সভাপতি, হল প্রাধ্যক্ষ, পরীক্ষা নিয়ন্ত্রকসহ বিশ্ববিদ্যালয়ের নানা গুরুত্বপূর্ণ দায়িত্ব পালন করেছেন।

জাবি উপাচার্যের শোক

উপাচার্য অধ্যাপক ড. ফারজানা ইসলাম অধ্যাপক মির্জা মফিজ উদ্দিন-এর প্রয়াণে গভীর শোক প্রকাশ করে তাঁর শোক সন্তপ্ত পরিবারের সদস্যদের প্রতি সমবেদনা জ্ঞাপন করেছেন। এক শোক বার্তায় উপাচার্য বলেন, অধ্যাপক মির্জা মফিজ উদ্দিন-এর প্রয়াণে জাতি একজন অভিজ্ঞ ভূগোলবিদকে হারালো। একজন আদর্শ ভূগোলবিদ এবং সজ্জন ব্যক্তি হিসেবে তিনি সর্বজনবিদিত ও সুপরিচিত ছিলেন। শিক্ষক-শিক্ষার্থীদের জন্য তিনি ছিলেন অনুকরণীয়। তাঁর শিক্ষা, গবেষণা এবং প্রশাসনিক কাজ-কর্মে বিশ্ববিদ্যালয় ঋদ্ধ হয়েছে। তিনি বিশ্ববিদ্যালয়ের কাছে স্মরণীয় হয়ে থাকবেন।

Signature

মো. আবদুস সালাম মিঞা
পরিচালক (ভারপ্রাপ্ত)

